




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3350 4° (LN 1198)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3350 4° (LN 1198)






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3350 4° (LN 1198)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3350 4° (LN 1198)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3350 4° (LN 1198)

DA BOX

N^o 3350.





M. Fischer fecit



= L N 1198

M





CARMEN FVNEBRE
GRÆCOLATINVM.

IN OBITVM AMPLISSI-
mi, generosissimi, & incomparabilis Herois, D.
IOHANNIS BILDE, D. de Bildisholm nobilitate
stematicis, pietate, virtute, & eruditione præstan-
tissimi: Potentissimi & Sereniss: Regis Danie
FRIDERICI II. in Gothlandia olim Præ-
sidis fidelissimi & meritisimi: Qui in filii Dei
vera confessione placidè ex hac vita in
cœlestem emigravit, 4. Cal: Maii
Anno 1575.

ADDITÆ SVNT DVÆ ELE-
GIAE Consolatoriæ: Vna ad nobilissimam
Dominam CATHARINAM RON-
NOV coniugem.

ALTERA ad generosissimum virum, nobilitate generis &c. præ-
stantissimum, D. STENONEM BILDE fratrem
D. Iohannis Bilde defuncti,

A

M. THORBERNONICO-
LAO Ripensi.

Apocalip. 14. μακάριοι οἱ νέκροι οἱ ἐν κυρίῳ ἀποθνήσκοντες.

MAGNIFICO, GENEROSO,
ET VERE NOBILI VIRO, PIETATE,

& doctrina præstantiſſ: D. ERICO HARDENBERGH,

Domino de MATTROP: Mæcenati ſuo

reuerenter colendo. S. D.

Heröum ſublime decus, clariſſima ſtirpis
Gloria, qui claro ſtemmate nomen habes
HARDENBERGE tuum: Charitum Muſæq; nouennæ
Rarum ornamentum præſidiumq; meum.
Ad iuga Leucoreæ patronum luget ademptum,
Alternisq; gemit mœſta Thalia modis:
Dignus erat meritò fatiſ melioribus vti,
Indigna eſt tanto, terra quieta viro,
O quàm ſæpè meiſ ſtudijs tulit ille leuamen,
Quamq; tulit largam, ſæpè petitus, opem.
Mœſta igitur mens eſt, leni nec carmina ductu
Noſtra fluunt, animum cura, dolorq; grauat:
Si qua priùs triſtiſ meruerunt tempora luctus,
Si qua dolore priùs, iuſta querela fuit.
Nunc opus eſt lachrymiſ, triſteſ nunc fundere ſletuſ
Conuenit, hic ponduſ debet habere dolor:
Carmina proueniunt poſitiſ fœlicia curiſ,
Tunc agitante Deo vena benigna fluit.
Sufcipe placato funebria carmina vultu,
Vt ſubeant grati muneris illa vicem:
Sufcipe lugubriſ nec deſpice munera Muſæ,
Munera muneribuſ inferiora tuiſ.
Sic tua Pieriæ celebrent præconia Muſæ,
Et tu i Mæonijs verſibuſ acta canant:
Vnda vel in fonteſ riuo eſt ruitura ſupino,
Gratiſ quam meritiſ ſit peritura tui.
Vine precor Pyliuſ ſuperando ſplendidiſ annuſ,
Vt te ſtirpſ generiſ quinta ſalutet annuſ:
Perge meiſ ſtudijs ſynceruſ fautor adeſſe,
Inde tibi veniet gloria ſumma vale.

Magnifi. Tuæ addictiſſ.

Thorbernus Nicolaus Ripenſiſ.



IVSTA EXEQVIALIA
BEATIS MANIBVS, CLARIS-
simi & nobilissimi D. Iohannis Bilde in cœlestem patri-
am emigrantis, æternæ gratitudinis ergò soluta,
per

THORBERNVN NIC: RIP:



*Vm mea nescio quo sunt obruta pectora luctu,
Magnus et astringit pectora mœsta dolor:
Hic ad arenosos Albis quos irrigat agros,
Non exoptandus nuncius ista refert.
Heros magnanimus Bildorum clara propago,
Vir pius, eximia nobilitate satus,
Mœrendum, æthereas animam exhalauit in auras,
Vt repetat summi cœlica regna Dei:
Conditione plagæ missa, spretaq; caducæ,
In rutilum subito tendit adire polum.
Hei mihi, quid primùm querar? aut quo percitus æstro
Funera deplorem? vah nimis atra dies?
Aut quas inferias, aut quæ funebria soluam
Digna satis meritis chare Patrone tuis:
Ab vtinam pro te mihi fata subire liceret,
Fata libens subeam ductus amore tui.
Æthera dum volucris, dum flumina piscis amabit,
Donec in hoc aliquis corpore sensus erit:
Non tua Lethæo tradam benefacta liquori,
Non erit officij gratia vana tui.*

A 2

Eloqui-

Eloquar an fileam? cor præ mœrore fatiscit,
 Hareret lingua metu & mœsta dolore riget.
 Innumeris meritò mea mens erat obruta curis,
 Pectore cuncta mihi membra pauente tremunt:
 Sed puer ingenuus faciemq̃, animumq̃ parenti
 NICOLEOS similis, dulce lenamen adest,
 Is mihi tum fallit tardè labentia dictis
 Tempora iucundis, carminibusq̃ suis,
 Inclytus Aoniij qui nunc est fontis alumnus,
 Facundæ nitida Pallidis arte Valens.
 Cur mea Musa gemis? tandem deflere iacentem
 Desine patronum, non rata vota foues,
 Iam depone tuum cum tristi pectore luctum
 Sat tibi mœroris tristitiæq̃ datum,
 Frustra etiam queritur tristi mens anxia cura
 Nec video fletu pondus inesse meo:
 Tùm quia non aliter Diuûm pater atq̃ hominum Rex
 Tùm pia fata ferunt, meta peracta negat.
 Fata Deûm firmo constant adamante reuincta,
 Non opis humanæ est flectere fata Deûm:
 Aspera si precibus potuisssem flectere fata,
 Vel prece, vel precio, iam rediuiuus erit,
 Ipsa preces spernit dura implacabilis aure
 Mors, precio nescit blanditijsq̃ capi.
 Vnius ob noxam tanta indulgentia morti est
 Permissa, vt nullis hætenus æqua foret;
 Primus homo perijt, cuncti periëre minores,
 Omnibus est mortis hæc adeunda via.

Non

Non refugit vulgi sordes, nec sceptrum veretur
 Regum, magnorum nec timet arma Ducum :
 Vtile si quicquam miseris mortalibus extat,
 Hoc sævis manibus Mors rapit atra suis,
 Ætati nulli parcit, nec parcit honori,
 Optima permittit nec diuturna fore.
 Attollis cur Parca tuas temeraria cristas?
 Atq; hinc te titulum laudis habere putas?
 Grandibus his audax spolijs age Parca superbi
 Hunc iaculis iacta succubuisse tuis,
 Hic minimè cecidit quamvis cecidisse videtur,
 Mortis nec iaculis hic obijt, sed abit :
 I nunc & gratare tuis Mors languida telis,
 I nunc ostentans ampla trophæa nimis.
 Quod nisi maiestas te freno augusta Tonantis
 Sic regeret velut est arte regendus equus :
 Prauos seruares, celebresq; bonosq; vicissim
 Quosq; trucidares, Parca maligna, viros.
 Debueras prauos homines auferre, & inertes
 Qui modò sunt terræ pondus onusq; graue :
 Sed nunc felices viuunt florentq; scelesti,
 Inconcussa quibus pessima quæq; manent.
 Iuris habere nihil poteras prius, accidit illud
 Permissu excelsi, consilioq; Dei :
 Sed trepidos animi tandem miseratus egenos,
 Saluificam cælo misit amanter opem,
 Eripuitq; suos gelidi formidine lethi,
 Tartara nunc saltem sunt metuenda malis.

*Pierides Musæ præstanti aspergite busto
 Aōnias violas, Aōniasq; rosas,
 Spargite humum folijs, pallentes ferte cupressos,
 Officijs animam condecorate piam:
 Floreat herois felix ut gloria tanti,
 Clara nitet Phæbo dum radiante dies.*

*ΕΠΙΤΑΦΙΟΝ ΙΝ ΤΥΜΒΛΩ ΑΜΠΛΙΣ-
 simi & generosissimi viri D. Iohannis Bilde.*

ΕΝΘΑΔ' ΙΩΑΝΝΙΣ ΚΛΥΤΟΣ ΚΕΚΛΗΜΜΕΝΟΣ ΗΨΩΣ,
 ΚΕΤΑΙ ΔΕΜΑΣ, ΖΑΔΕΨ ΜΗ' ΑΕΚΚΛΙΑ ΠΑΤΡΟΣ,
 ΣΩΜΑΤΕ ΚΑΙ ΤΩ ΛΥΤΙΚΑΚΩ ΔΕΔΗΜΗΛΩΟΡΩ ΠΑΤΡΩ
 ΕΥΔΕ, ΚΑΙ ΜΙΜΝΕ ΗΨ ΕΥΣΕΦΑΝΟΡ:
 ΤΥΧΗ' ΕΚ ΨΕΔΕΩΡ ΠΗΛΜΛΗΝ ΞΥ ΧΕΡΣΙ ΔΕΟΙΔ
 ΠΡΟΣΜΛΩΣ, ΑΥΤΗ' ΕΦΥ ΘΑΛΒΙΝ ΘΞΙ ΣΟΝ.
 ΕΡ ΔΕ ΔΕΨ ΜΩΝΩ ΣΗΡΙΞΕ ΒΙΑΣΚΕΑ ΠΙΣΙΡ,
 ΤΩΡ ΠΟΜΛΩΟΣ ΖΑΔΕΟΙΣ ΕΚΚΑΡΔΙΝΔΕ ΝΟΜΟΙΣ:
 ΕΚΛΥΕ ΤΗΣ ΔΙΔΑΧΗΣ ΤΡΟΜΟΡΟΙΣΙ ΜΕΤ' ΟΥΑΣΙΡ ΑΓΝΗΣ,
 ΜΗΔΕ ΑΚΡΕ ΜΩΝΑΙ ΔΕ' ΑΜΕΛΗΣΕΡ ΕΠΗ.
 ΟΙΚΑΙΔ' ΩΔΕ ΔΥΣΗΦ' ΑΡΕΤΑΣ ΗΣΚΗΨ ΕΡΑΤΕΝΑΣ,
 ΚΑΙ ΣΟΦΟΝ ΕΧΕΡ ΕΑΨ, ΞΥ ΠΡΑΠΙΔΕΩΣΙ ΝΟΟΡ:
 ΕΚ Δ' ΑΡΕΤΗΣ ΑΓΑΘΗΣ ΚΛΕΟΣ ΑΦΔΙΤΟΡ ΕΥΣΕΡ ΕΑΥΤΩ,
 ΟΠΗ' ΨΙΕΥΣ ΕΣΚΕ ΑΝΔΡΟΣ ΑΡΙ ΠΡΕΠΕΘ.
 ΟΙΔ' Α' ΕΓΩ ΔΙΔΑΧΩΩ ΕΔ' ΙΩΑΝΝΙΣ ΠΕΛΕΘ ΟΙΘ,
 ΤΑΣ ΑΓΑΘΑΣ ΤΕΧΝΑΣ ΚΑΙ ΜΕΓΑΣ ΘΞΙ ΛΟΓΟΡ:
 ΠΟΛΛΩΡ ΤΗ ΒΣΛΗ ΔΩΑΤΑΙ ΠΟΡΙΔ ΜΩΝΑΙ ΑΛΛΩΡ,
 ΚΕΝΟΡ ΕΠΙΣ ΑΜΩΟΡ ΚΑΙ ΔΕΔ ΑΚΚΑ ΣΟΦΟΡ:
 ΟΥΔ' ΑΔΑΚΜΟΝΙΗ ΕΧΕ ΑΝΕΡΑ ΑΜΩΠΟΛΕΝΕΡ
 ΗΔΕ ΔΙΘΠΕΜΩΝΑΙ ΨΞΟΧ' ΑΡΙΣΘ' ΕΦΥ.


ΜΗ ΚΑΚΑ

Μὴ κακὰ ῥέζουσιν, τὰ δὲ μήποτ' ἐμήατο θυμῷ
 Ναιετάσκειν αἰὲ νόσφι θεοσυνίης·
 εὐμπαυτὲς μέροπέεσσι μιμνήνεον ἢ φίλιστα
 πᾶσι, χαρίζεσθ' ἢ μεμῶεσσι τὲ βροτοῖς.
 οὐδέ τί κ' ἐκείνα μόνον ἠγάπα, φίλιντε δ' ἄμαρτα
 καλίσιν ΚΑΤ' ἈΡΗΝ καὶ δέμας ἠδὲ φυήν,
 τέκνατ' ἀγαπῶντες ἐὰν θρέψετε καὶ ἀτίτηλιν·
 αὐτὰ τε καὶ δέδαιμι πάντα θεοῖο φόβον·
 Ἀλλὰ καὶ ἔσκε λιμὴν ἕρπασσι πένκσι φαινόεσσι
 Μούσαις εὐφρονέων ἀγλαὰ δῶρα πόρεν.
 ὧς οὖν ἐζώεσκειν, ἀτὰρ πλὴν σάρκα λιποῦσα
 εἰς ἀνέβη ψυχῇ λαμπρὰ μέλαθρ' ἀπόλλυ·
 ἦχι παρὰ χριστῷ σωτῆρι σὺν ἀγγελιώταις
 νῦν διάγει βιότον πάμμακας αἰδίου,
 ἀντλῶσ' ἀνάορ πηγὴν ἀγάπης ἀμιάντης
 ἐκδεόδην, πλήρης χάσματ' ἀμβροσίης.
 ὧς δὲ ἀνὴρ νέεσθαι μέλλων δάδιος δέ οἱ αἰών.
 ἔπλετο, καὶ κρυδρῇ κηρὶ ὄλωλε τάχα·
 τὰς ὁδῶνας, πένθος τε, καὶ ἀχθεῖα κάλλιπερ ἄμμη
 ἐμβαλερ ἄμμι γόον πᾶσιρ ἔδνηκερ ἀλγῶν.
 Ἀλλὰ ἀποψύξασκε βίον, πατρὸς ὑψιμέδοντ'
 καὶ δάνει, καὶ μεγάλῃ ὥλεσ' ἐκκλῖ δεῦ·
 καὶ κόνις ἐμπαλιν ἄμορφο ἠδὲ καὶ αἶα γένοιτο,
 ἐξ ὧρ ἐπλάσθαι χερσὶ θεοῖο πάρος.
 μοῖρ' ὅλον χροῖον φῶτας καταπέφνε ἅπαντας
 ἐνδίκον ἠδ' ἀγαθόν καὶ ἐπιχαίρεκακόν.
 ταῦδε καὶ εὐμορφοῖσιν ὁππότε ἄνδρες ἄλυξαι,
 οὐποτε φεδομλὴν, δαρι λάβεσκε βροτοῦς.
 Ἄμμες πάντας εἶλα, οὐ γὰρ δυνάμεθα ὄψας
 γήραθ' εὐρέμεναι, καὶ δακνᾶτοιο ἄκ'·

T. N. R.

EPICE.

EPICEDION IN OBD
TVM NOBILISSIMI HEROIS
& Musarum Mecœnatis, D. IO-
HANNIS BILDE.

 Larus IOHANNES virtutibus, inclytus Heros
Stirpis BILDIACÆ, Nobiliumq; decus,
Nobilis antiquo proauorum stemmate, longè
Nobilior veri cognitione Dei:
Conditus hic dormit, Pario sub marmore, viuit
Sanus at in Christi Spiritus ipse sinu.
Vtq; puer teneris fuerat formatus ab annis
Ponendum in primis partibus esse Deum,
Sic mansit pietas cordi, cultusq; supremi
Numinis, vnde salus omnibus alma venit:
Dilexit vigili diuinos pectore cultus,
Demonis extinctos quos cupit esse furor,
Agnouit Christum, sacri mysteria verbi
Abdita perpendens, mente, fideq; Deum,
Posthabita siquidem pietate, Deoq; sciebat
Censeri iusti nomine posse nihil.
Num decus est maius, quàm mens pia luce refulget
Cœlesti, quàm cor fulget amore Dei?
Is igitur potiore animi sententia adorans
Inuicta numen auxiliante manu,
Assiduè & veterum de Christo oracula vatum
Quæ monachis nunquam nota fuere legens:

Ditior

*Ditior interna superat virtute Latinos
Ter centum mutos qui coluere Deos,
Et densa oppressi mentis caligine, verum
Contemnunt miseri religionis opus,
Atq; volutabris cœnoso gurgite lamis
Gaudent, dum lapidem & putrida ligna colunt.
Nulli posterior pietatis laude, nec ulli
Ingenua inferior dexteritate fuit:
Ipsi nec grauitas, nec blandæ gratia frontis,
Nec deerat mentis gloria vera piæ.
Iusticiæq; tenax expendens omnia lance
Æqua, sint homini seu tribuenda Deo:
Munificus cunctis contempsit mente caducas
Diuitias, nec non munera flaua Mide.
Adde quod à Phœbo Clarios abductus in hortos
Exhaustit fontis cuncta docentis aquas,
Hinc magis atq; magis præclaræ laudis amore
Accensus, propero culmina celsa gradu
Musarum scandit, testatæ gaudia Musæ
Imposuere suis, laurea ferta comis:
Dines vt eloquio Latia quoq; maximus arte
Graio tentaret, fonte leuare sitim.
Vrbes dum varias quas nutrit Gallia diues
Perlustrat faciens per loca multa moras,
Istas cum peragrat terras ad Parrhisiarum
Mœnia ducit iter, tecta vbi celsa nitent,
Et varijs studijs vbi tunc Academia florens
Exitit, & doctis claruit aucta viris:*

B

Hic

Hic didicit quæcumq; viro sunt principe digna,
 Luxuriæ nunquam desidiaq; vacat.
 Vix quidem credo quenquam studiosius artes,
 Et pariter linguas perdidicisse bonas,
 Quas grauis exposcit tum curia, & actio plebis,
 Ne turbet medium stidula turba forum.
 Culta sed hæc postquam studijs effloruit ætas,
 Quæ solet heroum mens generosa capi:
 DANORVM ad cultas ducit vestigia terras,
 Pierij & redijt splendor, honorq; gregis.
 Vt proauos taceam, clari si gesta parentis,
 Et clarum generis stemma referre queam:
 Multa forent Musas Phæbeaq; numina testor,
 In laudes possem quæ recitare viri.
 NICOLEOS genitor celsa virtute nitebat,
 Antiquæ auratus nobilitatis Eques,
 Atq; à Consilijs Regi, Regniq; senator
 Exitit, hinc donec fata tulere senem:
 Consilio magnus, clarus pietate, Mineræ
 Dotibus excellens, nomine, req; probus,
 Emicuit sapiens, gratus sermone disertus,
 Illius & Nestor temporis alter erat.
 Sed iam non locus est tantas describere laudes
 Nec vires nostræ pondera tanta ferunt:
 Hoc alius faciat vena meliora canendi
 Præditus, ast restant quæ meminisse decet.
 Hæc virtus gnato stimulos dedit æmula magnos,
 Vt benè adæquaret splendida gesta patris,

Cumq;

Cumq̃ sit heroum generoso sanguine cretus,
 Non hominis certè pectus inertis habet.
 Consilio is proauos superat, pietate parentes,
 Et virtute genus non sine laude suum,
 Ante alios quoniam æuo florente gerendis
 Stenuus in rebus, fortis, & acer, erat:
 Pallentesq̃ reos causas orando tueri
 Norat, & orantis fluxit ab ore lepos,
 Vt putet arcano cunctos medicamine captos,
 Si hominum poterat flectere corda loquens.
 Regibus à nostris magno fuit auctus honore,
 Præsidis huic tribuunt nomine, & arce frui:
 Hic vbi Gothorum sedes (sed vergit ad Arcton
 Terra Lycaoniam) prima & amena fuit.
 Diues opum, niuei pecoris quoq̃ copia abundans
 Insula montanis vndiq̃ cincta iugis:
 Gravior hoc nautis, magis optatusq̃ colonis,
 Nullus in Arctoo dicitur esse locus,
 Incola nec similes habitat magalibus ædes,
 Magnificæ ostentat ardua tecta domus.
 Vndenos hîc iam totos regnabat in annos
 (Rexit Danorum cùm FRIDERICVS opes)
 Præsidis eximij iusto moderamine functus,
 Ante suis rebus publica sæpè tulit:
 Muneris & partes sensu dyjudicat acri,
 Conferret patriæ vt commoda multa suæ.
 Tùm latè ignotis spargit facta inclyta terris,
 Et rutilo meruit digna trophæa polo.

Romulidum veluti clara virtute micantū
 Æmulus, is norat munus obire ducis,
 Armigeros etiam tum Marte & arte Quirites,
 Tum rebus gestis exuperare potest.
 Cum GOTHLAN diacos tentat gens SVETICA fines,
 Et populis rupto fœdere damna dedit,
 Martis præcipuus labor in sua terga recedit
 Totius & belli credita summa fuit:
 Ductor erat quo vix animi præstantior alter,
 Marte fero quoties bella cienda forent.
 Tunc quis IOHANNEM præclarum heroa fuisse?
 Magnanimiq; viri pectus habere neget?
 Conueniente loco turmas erat inter equestres,
 Secura haud voluit delituisse domo.
 Regia tum classis quæ missa, è finibus hostem
 Ut procul arceret, noxia damna tulit,
 Namq; procellosis agitata fluctibus undæ
 Submergunt classem non sine clade graui:
 Funesta hîc hominum crudeli funere strages
 Littoribus cunctis conspicienda datur,
 Qualis visa fuit Danaï cum cincta premebant
 Pergamæ, & Illiacas obsidione domos.
 Nec deducta quidem belli tormenta fuerunt,
 Quæ nimium grauidas impediere rates:
 Terruit heu nautas violentus turbine ventus
 Nec cuiquam propriæ cura salutis erat.
 Ardua res visa est, & deploranda nequibat
 Auxiliatrices hisce referre manus:

Illos

Illos aduerso validus luctamine ventus,
 Hos duri Martis impediēbat onus.
 Mansit IOHANNIS mens inconcussa periculis
 Arx quamuis denso milite cincta fuit,
 Tullius vt quondam concinna voce Quirites,
 Conscriptosq; patres, commouet arte sua,
 Illi ductorem facilesq; citiq; sequuntur,
 Nec pharetris parcunt hostis acerbe tuis:
 Haud secus ille animos dictis & pectora mulcet,
 Militibusq; suis talia dicta dedit.
 Aduersos vestris hostes defendite ab oris,
 Ferte citi celeres tela parata manu:
 Ad Domini iussum concurrunt agmina læta,
 Inq; hostes rigidos densa caterua ruit.
 Hac virtute ducis præsens victoria parta est,
 Dant SVECI in trepidam terga cruenta fugam,
 Tanta viri grauitas, & gratia tanta loquentis,
 Degeneres animos sic trepidare facit:
 Repressit mentem SVECIS ne fœdere rupto
 Tursus tentarent horrida bella sequi.
 His benè transactis dum cessant prælia Martis,
 Ad patrij redijt dulcia rura soli:
 Ardor honestatis radicibus aucta meretur
 Tunc clarum ingenio nobiliore decus,
 Hunc ita præ reliquis splendentem SCANIA vidit
 Vt micat ignitas Hesperus ante faces.
 Ipse Deus multa fecundans prole parentes
 Legitimi huic dederat pignora chara tbori.

aus.
ines.
us.
s.
ingus.

eta.
tta.
us.
cta.

Sex etenim hic natos sublatu morte reliquit,
Tres quoq; filiolas ut monumenta sui:
Gnatu cum Gnata primæuo in limine vitæ,
Inuida mox fato mors properante tulit.
Iam cum cœlitibus versatur iure ministris
Filius, & Christo carmina grata canit:
Angelicas inter viuit castissima turbas
Filia, virgineis addita virgo choris.
Quæ superest fulget claro splendore propago,
Quam regat æterni filius ipse Dei,
Exhibeatq; suo laudemq; decusq; parenti,
Hæc donec mundi Machina pulchra manet:
Æmula quo proles Patrem Matremq; sequatur
Hunc studiis, illam moribus, atq; fide,
Stirpis BILDIACÆ longæua in secula famam
Auctam transmittat, non sine laude domus.
Dives opum quamuis condebat splendida tecta,
Neglexit Christi non tamen ille gregem:
Quis precor ignoret quod nec studiosior ullus
Fervidiorq; sub hoc æthere natus agat,
Qui sic ingenuos Musarum fouit alumnos
Obtulit his largas Cræsus ut alter opes.
Nunc quæ præstiterat multa cum laude Camœnis
Sumptibus ex proprijs SCANIA testis erit,
Hafniæq; altiloquis quæ nuuc præluceat Athenis,
Testis erit Musis præstita dona sacris.
O dolor atq; decus Phæbi, quis præmia tantis
Digna feret meritis? tristitia quemq; premunt.

Et da

Digna quis illius cantet præconia famæ?
 Hæc tantum Musis vis animosa datur,
 Qui benè res gestas famosa laude alias,
 Magnificè cantant & super astra ferunt:
 Et datur ille tibi vis carminis auree Phæbe,
 Nam vestrum coluit numen honore pari.
 Arbitrio qui fata suo moderatur in aulam
 Hunc tulit ætheream, spirituumq; chorum:
 Ipse vicens annis Musarum fautor Apollo
 Pars ingens nostri, dulce levamen habet.
 Dignus erat Musis longam traducere vitam,
 Dignus & æterna prosperitate frui:
 Hic ne quid turpè aspiceret nunc gaudet Olympo,
 Lustratus claro sanguine Christe tuo.
 Egregium memori splendorem laude reliquit,
 Lethæis unquam ne premeretur aquis:
 Cum a polo & stellis victurum in secula nomen
 Inq; seris seclis fama superstes erit.

I.
ELEGIA CONSOLATORIA SCRIPTA AD NO-
bilissimam, pietateq; ornatissimam Dominam. D. CATHARINAM
RONNOV: Generosissimi D. IOHANNIS
BILDE defuncti coniugem.

Iuncta sed egregio præstans CATHARINA marito,
 (Quæ de RONNOVVM sanguine clara nites:)
 Desine magnanimum postquam pia fata tulerunt
 Deplorare virum, cœlica regna tenet:
 Charus enim vixit soboliq; , Deoq; , suisq; ,
 Suavior & nemo ulsit amore tui,

Is erit

Hic etenim placito fessus persæpe labore,
 Nunc recreat somnio membra sopita leui.
 Sustulit hunc fatum, quia sic diuina voluntas
 Deceuit, rata sunt cuncta iubente Deo:
 Transulit hunc Dominus promissi ad gaudia cœli,
 Sordibus è mundi quo benè purus erit:
 Deferuit mundum, cœlesti fulget in aula,
 Conspectu fruitur colloquioq; Dei:
 Non hunc insidiæ Satanæ non vlla cupido
 Vexabit mundi, nec noua causa mali:
 Nunc oculis coram præsentibus aspicit ipsum
 Christum, quem solida viderat ante fide:
 Pro terra cœlum, vitam pro morte perennem,
 Pro grauib; curis gaudia firma tenet.
 Illi lætitiæ strepitu sine, veraq; vita:
 Hic homines nihili tristes & vmbra sumus,
 Hic res angusto versantur cardine nostræ,
 Hic imperfecti viuimus atq; mali.
 Es CATHARIN Atuum rursus visura maritum
 Quodq; trahis prisca nobilitate genus:
 Cum Christus veniet cœlo sublimis ab alto,
 Et recinent summum classica pulsa diem.
 Excedens mundo tibi pignora chara reliquit,
 His Deus ipse paterq; tutor, & altor erit,
 Te committe Deo, cunctos qui dirigit actus,
 Tristia fata dedit, post meliora dabit:
 Et tibi sit cordi, Domini benedictio prolem
 Auget iustorum prosperitate bona,
 Psalmographus liquido hoc certis ostendere signis
 Conatur, certis & sacra scripta notis.
 Virtutis niuæ cœlo venit impetus ardens,
 Commenda votis rectq; tuosq; Deo:
 Fortibus eduntur fortes, & clara parentum
 Progenies rarò degenerare solet.
 Spes tua nixa Deo recreat qui flamine corda
 Ille suos nunquam morte perire sinet,

Qui pro-

Qui proprio ad mortem non vellent parcere gnato
Hic etenim mystes crimina nostra luit:
Victima peccatis hominum mactanda piandis,
Innocua mortis vulnera mente subit,
Amplius haud Lachesis, nec tu mors frigida quicquam,
In Christi famulos iuris habere potes.

A. T. N. R.

II.

ELEGIA CONSOLATORIA
SCRIPTA

AD AMPLISSIMUM ET VERA
NOBILITATIS DOTIBUS ORNATUM,
virum pietate, virtute, sapientia, & facundia praestantissimum,
D. STENONEM BILDE Dominum de VVandøß,
*Patronum & fautorem suum summa & debita
reuerentia observandum.*

DAniacos inter procures celeberrime STENO
Qui decus eximiae nobilitatis habes:
Tu gemis extincti supremæq; funera fratris,
Nam tibi Theseo foedere iunctus erat,
Et potius cuperes vitale relinquere lumen,
Hunc superesse tibi si pia fata darent,
Non tantum Pylades charum dilexit Oresten
In quibus assidue mutuus ardor erat:
Quantum dilexisti germanum sanguine fratrem,
Tâm vehemens sospiti te redamare facit.
Plus adamavit eum coeli, terræq; creator,
Cuius permissu non obiit, sed abit:

C

Nectamen

Nec tamen Elisij in vallibus umbra vagatur,
 Sed cum coelijs regna beata tener,
 Angelicos inter coctus heroica mens est
 Et pocana canit concelebratq; Deum.
 Nec quicquam morti de se concedit amaræ
 Ossa nisi, & tenuem quæ teget ossa cutem:
 Parte sui viuit multò meliore superstes,
 Haud obijt cuius nomen, honosq; manent.
 Viuere dignus erat longæuæ secla Sybillæ,
 Tithoni & seros posse videre dies:
 Nam diuina fuit pietate insignis, & acri
 Iudicio præstans, & probitate grauis.
 Non illo maior, nec erat sublimior alter,
 Gloria digna viro non satis vlla datur
 Dum face Phoebus obit terras, dum cornua Phoeb:
 Pulchra gerit, celebris fama superstes erit.
 Hic ego longa tui canerem præconia fratris,
 Et veherem superæ laude per astra domus,
 Sed premor ingenti tantarum pondere rerum,
 Et moles vires opprimit ista meas:
 Vix istas digno cantaret carmine laudes,
 Maxima Peligni gloria Naso soli.
 Sed quia per se se nunc est laudatior ipse,
 Quam qui præterea possit habere decus:
 Desine luctifonas iccirco STENO querelas
 Fundere, tum fratris morte dolere tui,
 Qui Christum amplexus clypei vice, spicula mortis
 Vicit, tum stygij tela cruenta ducis.
 Sic sua fata manent omnes, omniq; cadendum est
 Et nihil eximium mors finit esse diu,
 Omnia mors abolet virtutem præter & artem,
 Mens immortalis sola perire nequit:
 Omnia prætereunt, nulla est sincera volupras
 Rebus in humanis, fluminis instar eunt:
 Prospera contristat fato fortuna seверо,
 Aspergitq; labem Parca inimica bonis.

Tam vas

10

Tam varia est etenim, tam fallax alea vitæ,
 Versans humanum specq; metuq; genus,
 Et fragilis vita est hominum, damnosa, superba,
 Aerumnis multis plena, caduca nimis:
 Tot secum ærumnas, tot continuosq; labores
 Prouehit, insidijs vndique cincta malis.
 Plurima sed Christi, solatia dogmata præstant,
 Quod vult feralis pellere tela necis:
 Nam mortem victor moriens aboleuit acerbam,
 Ne noceat posthac mortis imago pijs.
 Cum latus æthereo cœtu stipatus vtrunq;
 Cunctorum inquirat facta peracta Deus,
 Corpus & indutum rediuiua carne redibit
 Ad superas auras, syderiumq; polum:
 Tùm quibus innocuo sine crimine vita peracta est,
 Præmia cœlesti his sede reposta manent,
 Tùm varia accipient varias benefacta coronas,
 Cunctaq; iudicio sint manifesta Dei.
 Cœlitibus mistos, in regna paterna receptos
 Prosperitate bonos vita corusca beat:
 Peruersa impietas percat fornacibus ignis
 Aeterni diris, Eumenidumq; malis.

A. THOR. NIC. RIP.



EPITAPHIVM GENEROSO,

SAPIENTI, FORTI AC BONO VIRO, DN. 10.
HANNI BILDE Domini Bildisholmij Scriptum à

Iohanne Georgio Sadolino. P. L.



Visquis es, & lustras ista monumenta viator,
Siste gradum, paruo carmine multa scies.
Natus IOHANNES BILDORVM stirpe vetusta
Qui fuit, hic gelida iam requiescit humo.

Ingenio præstans, lingua facundus, & arte
Fœlix, æthereas accumulârat opes.

Et Latio, Graioq; simul sermone peritus,
Cum doctis potuit verba diserta loqui.

Linguas præterea multas cognouit, & vsum
Addidit: usque aded vir studiosus erat.

Acri iudicio lites componere nôrat
Edoctus Legum sancta statuta sequi:

Hostibus ausus erat concurrere fortibus armis
Pro patria quoties bella gerenda forent.

Marte velut rigidus, sic fulsit pace modestus:
Heroo siquidem pectore clarus erat.

Nam grauis & iustus, constans & amabilis heros
Vixit: ab hac fama nobile nomen habet.

Salve care Deo vir, salve miles honeste,
Cumq; bonis Diuis celsus honore vige.


Salve fortis Eques, tua laus inuicta manebit
Dum liquidas voluet Balibica Tethys aquas.


Sedibus Æthereis tua mens nunc enitet inter
Illustres animas Angelicosq; choros.

Et mundi cum finis erit, tunc corpore pulcro
Splendens, cum summo Rege perennis ages.

Quisquis es, & nostrum legisti carmen, amice,
Sis pius & prudens, & sapienter abi.

FINIS.





3350.